

閩都記卷之十四

郡人 王應山 纂輯

郡南閩縣勝蹟

南出寧越門洗馬橋南園教場關王廟貞女廖璧宅閩越王祖廟祖廟亭茶亭沙合橋安民崎武勝廟貞節莊母鄒氏宅吉祥寺橫山鋪萬壽橋江南橋光孝寺天寧臺鹽倉洗馬橋南城外濠也以木爲梁

南園在洗馬橋東陳殿元謹別業逶迤里許有岡阜三百森立如筍

教場廣四里東西爲轅門外有揚威坊中爲閱武堂東北爲旗

卷十四

求放心齋

纛廟嘉靖季年有倭寇患調客兵萬厓初東西翔兵營居之城西外有舊教場今廢

關王廟在教場內西偏萬厓十八年建劉大勛撰碑

貞女廖璧宅在南門外 詔旌其門

閩越王祖廟在嘉崇里永樂十四年建廟後一邱蓋無諸塚云萬厓戊申重建

祖廟亭廟西爲亭于道周有廳事出郭迎送咸集于斯茶亭昔有僧以暑月醲金煮茗飲行者因名

沙合橋又名小橋在中亭街 國朝成化六年知府周鈍重建安民崎微有岡阜郡城初案也民居鱗次亘于臺江

武勝廟在安民崎東神姓陳名諱無考晉天福二年閩啓封後
加武勝王宋時廟宇屢新建左右二侯祠 國朝永樂二十
年重脩成化十年重建門廡左爲愛生祠右爲文昌祠

貞節鄒氏宅在南臺街莊宏紳妻 詔旌其門

吉祥寺在橫山宋景祐元年建 國朝成化間知府唐珣重建

嘉靖間燬萬厓初興復

橫山舖出郡城十里達于江南嘉靖間移建今所

萬壽橋橫跨臺江舊爲浮橋屢脩屢壞宋元祐間郡守王祖道
置田一十一頃七十二畝備脩橋費元時田入頭陀萬歲寺

大德七年頭陀王法助奉旨募造石橋醴水爲二十九道上

卷十四

二

求放心齋

翼以石欄長一百七十丈有奇南北構亭二至治二年落成
學士馬祖常爲記刻萬壽橋三字于右 國朝天順間重脩

翰林編脩杜宣記萬厓十六年巡撫龐尙鵬重砌石欄

江南橋在鹽倉前俗呼中洲橋又名小橋與萬壽橋接其長減
萬壽之半

光孝寺在時昇里宋崇寧二年王祖道建于浮橋之南政和初
改天宣萬壽寺紹興初更今名李綱謫居嘗寓寺之松風堂

又有海月來薰一亭今廢爲鹽倉

天宣臺在光孝寺中今爲真武廟 宋李綱題天宣明極堂久
客若飛蓬年年氣味同猶欣容榻地更得化人宮鬱勃炎蒸

極巍峩棟宇雄踈材碎搖月虛館迴含風萬戶軒楹外三山
指顧中靈潮自朝夕大舶各西東悵望關河遠蒼茫雲海空
餘生寄閒曠任運學龐翁 又松風堂旅泊不求安小憩南
臺官軒楹盡北嚮盛暑墮甑中開垣追微涼山頂羅千松煩
襟忽破散濯此萬里風羣山遞環遶雲物增奇峯江潮信有
期來去初不窮嘯詠得所託幽禽亦玲瓏青霞蔽殘日皎月
生于東清光入疎林照我鬢髮鬆壯年幾何時倏忽成衰翁
願餐日月華爲駐冰雪容二子皆靜者翛然此相從靈丹論
秘訣妙理談真空兵戈滿寰瀛此樂豈易逢猶恨邇城市時
來車馬蹤逝將選幽僻誅茅寄蒙龍灌溉荔支園可敵萬戶

卷十四

三

求放心齋

封屋前脩竹合屋後溪流通風月應更好清歡永相同稚川
晚聞道尙冀刀圭功 李邴藏六菴莫言藏六便忘筌一六
俱非也未然枯木有人能采菌白牛無地可施鞭 明陳鳴
揚天宣臺天宣臺上飛黃鳥天宣臺下春流繞和鉛理屐共
登臺紫陌春風撲地來雙闕方瞻初日馭九霄盡放早春回
春來春去自今古江山閱世應無數梵宇高低宿暮烟僧墳
隱見隨寒雨暮烟暮雨落花開豈信青陽厭草萊撫景且歌
下里曲逢時須賦上林才

鹽倉卽光孝寺基也 國朝洪武間嘉靖間商人剽私 倉百
餘所江南有山爲會城朱雀鑿破于文運不利萬厯初撤去

僅三之一

自吉祥寺迤西爲彰義祠龔用卿墓山川壇釣龍臺鎮閣
王廟潭尾街白龍江

彰義祠嘉靖四十年建祀禦倭陣亡將士初倭寇聞至城下把
總童子明等力戰歿有司并先後死士合祠之爲廣置祠田
頗爲守者乾沒

龔用卿墓在嘉崇里惠澤山其地卽獨山神廟也用鄉嘉靖丙
戌進士第一官祭酒

山川壇在城南卽釣龍臺故址洪武元年令風雲雷雨并城隍
合祭爲一壇設位四中祀風雲雷雨左祀山川右祀城隍悉

卷四

四

求放心齋

南向日本琉球淳泥山川之神祀西隅東向春秋二仲月上
巳日藩臬長吏蒞祭如社稷禮初宋元時皆附于社稷壇洪
武三年建于惠澤山六年移今所

釣龍臺在惠澤山之南相傳粵王餘善釣白龍處一名越王臺
其亭榭今多蕪沒 唐翁承贊册封閩王還朝于新豐市堤
餞別詩登庸樓上方停樂新市堤邊又舉杯正是離情傷遠
別忽聞臺旨許重來此時暫與交親好今日還將簡册回爭
得長房猶在世縮教地近釣龍臺 韓偓詩無那愁陽日九
迴強杼懷抱立高臺中華地向城邊盡外國雲從島上來四
序有花長見雨一冬無雪却聞雷離宮紫氣生冠冕試望扶

桑病眼開 宋蔡襄達觀亭詩峭峻釣龍石飛亭壓其端曠
達四無際因之名達觀攀雲躋大亭仙路何紆盤秋明澄遠
綠暑霽凝新寒城郭烟火稠水陸漁樵蕃偶暇按民俗適遊
心意懽鳴絃俯清流對水環蒼山重拂襟塵淨從帶夕嵐還
程之邵碧光寺詩寺壓高臺最上頭一亭新就得清遊天
連遠岫交相碧地枕長江分外幽烟際晴光渾不斷望中詩
思浩難收公餘幸有賓朋樂聊把狂篇索唱酬 元雅琥詩
自古甌閩國富雄南琛不與職方通江流禹畫縱橫外山入
秦封蒼莽中逐鹿師還神器定屠龍人去釣臺空海門最是
潮頭急何處繁華是故宮 明林鴻釣臺懷古無諸昔建國

卷古

五

求放心齋

赤土疏王封築臺青冥上垂釣滄江龍乘龍去不返千載如
飛蓬只今登荒臺寂歷多遺蹤我有太古懷來吟江上峯天
清海氣滅地古寒烟濃潭水綠萬丈秋岑碧千重瞻眺未能
已落日催孤鐘 甌閩古荒服無諸漢英雄秦項旣淪沒滅
却龍準翁組練照海色旌旗來故宮昔日釣龍臺尙餘江水
中桂殿苔色古空陵雲氣紅朝夕捲寒潮隱隱聞雷風登臨
畢餘景感歎無終窮 無諸東海上有國在秦先一朝逐秦

鹿戈甲紛相連高才已得志論封亦徒然歸來築高臺投竿
釣蜿蜒屠龍雄按劔拂拭蒼洲烟英風振海岳古月亘長天
昔人不可見踪跡長堪憐閒來弄秋水漁舟訪清川雲高碧

海淨日落千山妍浩歌古臺上醉向酒家眠 又登釣龍臺
逐鹿屠龍事渺茫空臺依舊枕崇岡衣冠神禹傳苗裔封壤
宗周列職方南粵雲來螺渚白東甌天接虎門蒼登臨送別
兼懷古不惜狂吟倒玉觴 又王偁詩高臺遠枕大江流江
上雲屏宿靄收才子揮毫春作賦商人酬酒晚移舟空潭龍
去山河改古殿雲寒劍戟愁莫向此中多感慨漢家陵樹已
先秋 趙迪詩無諸故國釣龍臺休沐登臨懷抱開山色銷
沈王氣歇江聲寂寞暮潮來翠華晝掩雲凝棟寢殿春寒錦
作苔甲古憑高同賦詠不知誰是子雲才 魏文煥詩浩浩
長川春水來釣龍人去有荒臺江空日冷鼉鼉蟄天淨風高

卷十四

六

求放心齋

鶴鶴迴鼓瑟祇今悲帝子采薜時復薦山疊羣公多暇延清
景潦倒狂歌逸興催 徐榻詩無諸漢雄長建國甌閩隈欲

釣滄江龍江干起高臺白龍去不返千載徒蒿萊霸氣今已
盡雄圖安在哉廢殿寢寒烟空林委荒苔燕雀爭營居猿狖
朝暮哀我來弔遺踪感慨空徘徊惟餘滄江水東流無盡迴

沈明臣詩闕本無諸國釣龍空此臺山川禹服外風氣漢
時開鐘卧欵春草碑橫斷古苔樓船今已定天子未教回

黃克晦詩霸國春雲外高臺釣渚間白龍潭下水五虎廟前
山松響風生幔潮來雨滿關翠華終不返鳧鷖自成班 陳
薦夫詩七郡封疆世幾更高臺尚有越王名雲山不變古今

色江水但流嗚咽聲逐鹿舊都無客在釣龍荒井此時平遺
民祇用矜形勝聖代萬年誰戰爭 徐燧詩山河如故霸圖
休臺下空江水自流歲久莓苔生廟壁日斜葭菼滿汀洲旌
旗影滅秋風冷劔戟星沉暮雨愁莫道釣龍人已遠精靈還
向夜深遊 鄧原岳詩日落汀洲江吐雲君王遺殿晚氤氳
樓船北出鄱陽道劔璽東歸威武軍馬瀆潮平天外直龍湫
潮咽夜深聞一時霸業堪蕭索愁對青山越水濱 陳椿詩
釣龍臺枕大江隅江水蒼茫帶綠蕪城郭昔曾歸霸畧山川
今已入皇圖片帆落日沈孤鳥畫角淒風起暮鳥欲向斷碑
探往事苔痕半已沒龜趺徐燧詩寂寞高臺翠色重居人千

卷十四

七

求放心齋

載弔遺踪殿前烟雨迷銅獸江上風雷起白龍城郭萬家猶
禹貢河山八郡舊秦封昔時霸業蕭條盡空有寒潮送暮鐘
一林嘉詩越王祠枕大江洲江水長流霸業休劔戟聲沈三
殿寂旌旗影滅四郊秋荒涼古壁生蒼蘚寥落沙村起白鷗
此日登臨倍惆悵百年人代總悠悠 陳鳴鶴懷古陵谷高
深異昔時白龍何處可投絲千家燈火魚鹽市半畝祠堂鳥
篆碑秦漢舊封烟漠漠江淮故事草離離停舟與客瞻遺像
松柏淒風獨去遲

鎮閩王廟在釣龍臺西俗呼大廟漢高帝五年無諸王受冊封
于此後立廟武帝時閩粵國亡祀廢唐大中十年復建五代

唐長興元年閩復追封爲閩越王宋因之號顯聖武勇王
右二于牙將也熙寧中民兵出戍熙河二將現雲端戰逐克
捷政和間復戍桂管征蠻之際二將復現降大雹飛黃蜂以
退蠻兵 二年浙寇竊發連陷數郡將及境提刑俞尙自
建康領兵南下黃蜂以數萬隨舟蔽江居民咸謂神助境內
帖然乃大新祠宇建楹日有青紅二小蛇蜿蜒香几間暨升
梁又見舉首北向移時乃隱儀曹王璉奉二王像入廟二蛇
又現廟成俞尙將臨視前一夕夢神人青色者來謝遷祠祀
畢青蛇忽現左王之前而神之容色一如所夢有司以聞勅
賜廟號武濟尙自爲記六年追封閩粵王爲鎮閩王二將左

卷古

八

求放心齋

封靈應侯右封顯應侯建炎四年王加封武烈靈應侯加廣
惠顯應侯加嘉澤紹興三十一年膠西之役舟師禱于神戰
以克捷王加封英護左侯加協威右侯加協忠元更封真君
國朝洪武十年布政葉茂禱雨獲應以聞下禮部議從神
故封號漢閩粵王之神左參政瞿莊爲記廟有田二頃一十
六畝爲守廟鄭廣者私入其戶成化十六年知府唐珣覈正
之郡人叅政唐濩爲記隆慶四年巡撫都御史塗澤民會勦
廣賊禡告于王戰之日聞空中獵獵戰馬聲師大捷修祠以
闡神庥按察使里人魏文煥記之廟故有井通江潮其深亘
測有龍居之禱雨屢應邇堙爲智萬厯十七年知府江鐸以

旱禱命工濬之甘冽如初 明謝肅謁鎮閩王廟釣龍臺臨
江水隅上有亭宇祠無諸閩土稱王因禹後漢朝封國在秦
餘潮喧鼓角來滄海雲拂旌旗擁碧虛自古神明歸正直雙
蛇出沒定何如 王恭題無諸廟壁野廟大江干蕭蕭樹色
寒斷碑荒草沒畫壁古苔乾龍去春潮在猿鳴海月殘英雄
那可問東逝正漫漫 王應鍾觀釣臺新廟長江蜿蜒正趨
東白龍矯首如長虹越王昔時此遊眺釣龍江上波爲紅元
戎小隊騁英武白日黯淡生雄風山川形勝元如昨人代興
亡迥不同凋弓寶馬今何在剩水殘山迹已空我從諸彥陟
巖崑山迴江折望難窮威儀尙在前王像俎豆重開舊日宮
蒼茫烟靄中

卷十四

九

求放心齋

雲山南去何葱龍乾坤中圻江爲通開襟已在高臺上迴入
潭尾街在龍臺南滌江滸委巷縱橫民居鱗次魚鹽成市宋米
芾石刻全闕第一江山六字趙汝愚隸書南臺二字并存

白龍江城南嘉崇聖又名臺江與閩江同源至洪塘岐爲二北
行者 白龍臺爲臺江納北上衆流過鼓山復與南行者合
流入一馬江歷閩江以達于海南臺萬壽橋東舊有洲田數
十里成化間溪流海潮日夕衝決可通舟楫臺下舊港爲流
沙所擁潮小舟膠 陳亮泛臺江千古臺江勝臺江上客遊
醉乘閩海月如泛洞庭秋木落山逾靜天寒水急流高懷凌

浩渺長嘯振林邱，弔古情何遠。揮杯樂未休，興歸非雪夜。
望是仙舟樂事何年再，雄詞此日留無因。陪逸賞，換翰墨，悠
悠。林世璧臺江觀競渡，共喜朱明日。言從畫舫遊山川，新
雨歇雲樹夕陽留。夾岸垂蘿，數家叢竹，幽芰荷迎舞席。簫
鼓擁中流，傳說懷沙恨，猶存弔古愁。歲華聊自遣，風俗尙堪
酬。積水清無暑，飄風颯似秋。樓臺宜霽景，羅綺豔芳洲。棹若
天邊下，人疑鏡裏浮。渡頭菱唱晚，歸路獨夷猶。王恭臺江
訪古無諸古城外，潮合滿沙洲。賓從留驄馬，壺觴度采舟山。
迴川月夜猿哭海雲秋，寂寞屠龍事。臺空江自流。

鹽倉迤東折而南爲藤山江南鋪河泊所龍橋亭何大奎

卷十四

十

求放心齋

墓北園高蓋山王應時墓高觀堂義遠黃窩宅福和洲螺
洲顯應廟吳復祠堂木嶼塔林洵江梁山寺扈與瀨江方
山葉光宅紫薇巖三琅峯大義公館觀音橋陳叔剛叔紹

墓陳達墓

藤山其脈一起一伏如瓜引藤，亘五六里，故名。山多梅花，開時
郡人載酒出遊，有明真菴在梅塢中。由藤山分派一峯，反顧
于後爲鰲頭山。藤山之東爲下渡廬，居成市。明謝肇淛藤
山看梅詩：曙色乍微茫，江南一路霜。人裁梁苑賦，花學漢宮
粧。粉面含雲濕，芳魂度月涼。不妨沈醉去，玉屑滿衣裳。不
識山中路，逢人卽問梅。繁枝圍屋隱，老樹壓牆頽。瘦藉輕烟

補開須夜雨催春光未衰謝攜酒賞千回
但得看花地何須問主人山中一夜雪
江上隔年春徑細香難散寒多色未
勻無端風底急撩亂白綸巾
騎馬訪花神繁枝照眼新詩
應憐水部花亦愛山人夜月迷青嶂
寒江亂白蘋坐來清到骨不復夢紅塵
山氣曉冥冥長林玉作屏半遮流水白
時雜數松青地主供花酒人家結竹亭
客來香可醉盡日不能醒
一望白如虹前山第幾峯隨風香處處
隔水影重重短樹堪藏鶴踈枝欲作龍
羅浮今夜夢恍在月中逢
曹學佺
藤山看梅詩身入藥珠宮居然占素封
夜枝堪繞鵲霜幹可如龍的的明流水
盈盈對遠峯藐姑射仙子于此忽相逢

卷十四

二

求放心齋

乍入卽聞香翻于久後忘渾如金粟界
一吐玉毫光坐莫分荷令牧宜點壽陽
卽今佳麗處猶說是雕梁
春日遊靈谷冬來卧故園
一年能再賞此度更銷魂香密難分寺
林迴屢換村野禽窺乍散猶自露苔痕
夜來風色惡強半借枝頭
笛裏吹將急尊前別更愁夢回恆庾嶺
興動自揚州流水空山裏吾將老一邱

江南舖在下渡上接黃山五里而遙下通白湖十里而近

河泊所在江南嘉崇里 國朝洪武十年設今廢

龍橋亭在下渡街之半有巷

何大奎墓在藤山之東大奎宋龍圖閣學士曰藤曰主顯并科

第官侍從其後式微郡志失修家藏告身俱在也

石室山俗名北園在高蓋山麓唐觀察使王逢子孫世居此

高蓋山在仁豐里有三峯九島藩司第三案也漢徐登修煉于此後入永福高蓋上昇鄉人于此望祀之遂緣其名唐宋以來山屬官任民樵採萬厓中豪家侵爲己業詭受糧于縣日鬻人造墳纍若叢塚形家謂爲不利藩司兩臺云上有仙壇壇左有仙井相傳嘗有牛墜井中牧童走告父母比至則牛已出井上矣山絕頂有青龍池一名天池上有北山王氏墓又有蘆灣洞洞口有碁盤石 明鄭善夫詩此日經過高蓋下忽憶去年高蓋峯祇見黃花似往日那堪衰鬢向秋風烟

卷古

十一

求放心齋

霞不斷重陽路勲業猶疑三逕松舊國蕭條歲復晏布袍芒屨意何窮 陳學麟登徐仙第一峯徐仙峯入白雲間俯視塵寰秀鬱盤瀑水花飛晴亦雨松濤聲撼夏偏寒逍遙霄漢輕鳧舄指顧乾坤亦鷗冠心賞超然人世外羽人何事更駢鸞 徐焞登高蓋徐仙峯此地仙壇古尋梅到幾峯藥爐猶漢製松島似秦封石徑歇歸牧山田耕老農白雲迷下界不辨往來蹤

高觀堂在仁豐里高蓋山下又妙峯寺在山之巔宋建隆元年建後廢萬厓丙午都給諫林材募緣重建

王應時墓在高蓋山麓應時官雲南按察使 王應山謁觀察

兄墓執紼若爲情衝寒出粵城山川如哽咽風雨益淒清
別人間世猶存身後名所嗟姜被冷池草夢難成 憶昔營
窀穸棲神已十年卜龍遲勝日委蛻闕重泉颺彩憑威鳳台
愁託杜鵑誰言非羽化高蓋白昇仙

義巖一名鹽巖在高蓋山之南有赤壠蓋竹二洋

黃窳宅在義巖窳官戶部主事歷官清白時有空空歸故鄉之
謠

福和洲在義巖東

螺洲在方山北週迴一江環洲以居者數千家司空吳復其著
也

卷十四

十三

求放心齋

顯應廟在螺洲之許神劉姓兄弟三人伯行全仲德全季侍全
其先淮甸人唐劉德威之後也乾符間黃巢寇閩行全兄弟
禦寇有功未獲封賞而卒閩人立廟祀之宋淳祐十一年旱
鄉人禱雨立應鄉進士陳應角以聞賜額靈顯螺洲又有螺
女廟緣謝端事傳會之螺女江在石邑西與螺洲相去數十
里

吳復祠堂在螺洲復永樂間以知印積官工部侍郎
木與在永慶里連塔峯週遭有江

塔林又名塔峯方山別支也宋林津龍官尙書詳俗呼尙幹林
氏族姓甚蕃

林禹臣宅禹臣理宗朝應神童科黃朴榜進士

淘江在永慶里臨以塔峯長林之勝江邊有亭俗呼淘邊 明

周元淘江詩千章喬木珍螺渚百頃澄光帶越城到邑潮通

澹海色環洲山峙此江清鑑湖自是同流賞文彩那應獨擅

名漁浪細吹銀綺合鷗波纔動翠綃橫盈盈楊柳牽絲斷泛

泛芙蓉夾鏡生解道元暉遺雅韻却令太白擅佳聲孤雲淡

影秋逾靜碎月搖光夕向明銷盡客愁何處望逋翁樓上有

餘情

梁山寺在還珠里宋建今廢

扈輿在還珠里其東南爲灝江一名瓠輿

卷古

古

求放心齋

灝江在清廉里與西峽江合流微風激之聲如溪灝故名 明

鄭善夫從扈輿沿溪陸行訪陳職方扈輿逶迤連紫臺灝江

曲曲罷喧逐漁人釣艇沿溪泊野老柴門傍水開樹底巧通

仲尉宅中似魏子雲才南遊兼得酬佳節黃菊青山共舉

方山在清廉里一名五虎闕藩第四案遠望端方如几故名山

之陰有峯逆馳而西曰黃巖巖大旱鄉人禱雨于此上有阿

育王塔又有巖曰靈源鯉魚石在溪中又石壇石牀石碁局

石牀左右有柑橘樹千章味甚甘唐美寶中賜號爲甘果山

宋王達詩衆狀皆窮險茲形獨擅方坦夷中砥礪端正外

青蒼上帝為碁局炎君避暑牀回看太行路更近利名場
明黃濟過方山舊居曾逐孤舟背遠村清溪一去不知源
今莫避秦人處野鳥潭花即故園 鄭善夫九日方山登高
方山五片石巉巖七千尋氣象衡嵩敵風雲歲月深百年大
夢寐九日此登臨願謝紅塵累巖栖長道心
葉光宅在瓠與光永樂間以薦為南海簿民歌之南海簿性不
貧百鳥鳳人中難

紫薇巖在橫嶼東峯有紫薇公隱此故名又有巖曰五仙并方
山之東 宋民先詩碧落已驂丹鳳去紅塵空望紫薇巖
三琅峯在西集里色如青琅玕故名三峯尖秀形如筆架又名

卷古

求放心齋

文筆其傍諸山有石鼓石壁岱頂皆奇勝

大義公館在義谿之濱嘉靖間建 王應山義谿八詠三峯齊

太華去天不盈尺碧色擬琅玕立地如卓筆 三峯 溪流有深

淺竹色無古今金風敲萬玉潭底作龍吟 萬玉潭 遙空淨微雲

前溪印明月疑有釣月人溪風動林樾 釣月磯 巨石如建鼓半

空時有聲岱頂飛金雞西岡迭和鳴 石鼓山 探禪入叢林溪沙

如布金經聲發烟磬共接海潮音 潮音閣 問津知幾許曲曲三

十六揚帆任好風棹歌山水綠 大義渡 當年典郡人過家榮佩

紫奕葉際明時冠蓋仍新里 榮繡里 古榕夾官路樹影入波心

行者喜從橋赤日生綠陰 綠雲橋 徐燾義溪夜泛暮潮初漲

一 根低一葉扁舟過六溪唱罷滄浪天漸曉青山無數鷓鴣
啼 陳薦夫溪上泛舟迴溪三十六一一抱青山片月空濛
外孤舟雲水間聽猿聲歎乃得句應潺湲不見澄江上何因
白練寒

觀音橋在義溪之東宋時建後圯于水 國朝天順中里人陳
叔茂捐百金重建

陳叔剛叔紹墓在蔡莊山叔剛官侍讀叔紹官副使剛有文名
紹有孝行

陳達墓在蔡莊祖塋北號萬松莊達字德英積官都御史巡撫
山西以廉能著詳郡志

卷十四

十六

求放心齋

鹽倉迤西折而南爲望北臺上渡陳守約墓洪順墓齊坑
山張濬墓林文秩宅台巽高士巖陽崎江金鎖江嚴烜墓
稅課司高文達墓陳嘉言墓

望北臺在龍江之南有嶺截然有亭其上 明陳文廣過望北
臺山形如相抱巨石更崔嵬地與江聲近天隨樹影開與中
皆落葉吟處是寒梅爲語登臨伴何由共一杯

王克復墓在北臺山陰有司營墓

上渡在時昇里龍江之南未造橋時上下有二渡今仍其名
陳守約所居上渡守約之先固始人也五代晉天福間來
仕南唐左司郎中其後宋時有陳顛者性樂施子七人孫三

十八人曾孫六十五人元孫一百三十人而多膺仕里中童謠螢尾星江南陳謂入城夜歸燈炬如螢星也

陳守約墓在白泉院前山

洪順墓在時昇里上渡山順官山東按察使

齊坑山高蓋之支也與北園王灣新安蟠巖諸山相聯絡地多梅花齊姓居之故名其山云

張濬墓濬字文哲官饒平知縣

林文秩宅在長池文秩與弟文秭同舉進士改翰林庶吉士俱葬侯官斗門山

台與四面皆平田中建三阜如三台故名或曰柯輿曰瓜輿左

卷

七

求於心齋

高蓋右鳳灣金雞嶂其後陽崎峙其前陽崎之水別爲小浦逶迤環抱于三阜者凡三十六曲宋孝宗時高士陳允元築室讀書中阜之下子姓甚蕃

陽崎江有山臨江潏宋釋褐狀元林垞居之江滙上郡及懷侯永福諸山溪水經西峽與馬江合入于海明黃元詩暝色入長江江帆疾如鳥空山白雲外一望更何有颯沓風雨來蕭條夕陽後孤燈照寒繡且復醉杯酒長江滄浪曲遠應滄浪巖崖陰古木深沙明暮潮吼扣舷江水清去路離情厚何處有僧廬殘鐘到溪口

金鎖江一名金崎晉康帝時有漁者垂釣得金鎖引鎖盡見金

牛急挽至岸俄而鎖絕猶得數尺許有司以聞詔立廟祀之
巖烜墓在陽崎白角山烜官監察御史浙江僉憲
稅課局在九都陽崎江 國朝洪武初設以沒官卓子康宅為
之今廢

高文達墓在九都王埔山事具城南崇報祠

陳嘉言墓在九都陽崎山嘉言咸淳中建州司戶值元革命遂
不仕隱居台與積書至數萬卷人稱書隱先生

閩都記卷之十四終

卷十四

六

求放心齋